

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

বৃহস্পতিবার, ডিসেম্বর ১২, ২০১৯

গণপ্রজাতন্ত্রী বাংলাদেশ সরকার
শ্রম ও কর্মসংস্থান মন্ত্রণালয়
চেয়ারম্যানের কার্যালয়
নিম্নতম মজুরী বোর্ড

বিজ্ঞপ্তি

তারিখ : ২৯ কার্তিক, ১৪২৬ বঙ্গাব্দ/১৪ নভেম্বর, ২০১৯ খ্রিস্টাব্দ

নং ৪০.০৪.০০০০.০০২.৩৬.০০৫.১৯.১৪৩—বাংলাদেশ শ্রম আইন, ২০০৬ (২০০৬ সনের ৪২ নং আইন) এর ১৩৯ (১) ধারা এবং বাংলাদেশ শ্রম বিধিমালা, ২০১৫ এর ১২৮ (১) বিধি মোতাবেক নিম্নতম মজুরী বোর্ড কর্তৃক “ব্যক্তিমালিকানাধীন সড়ক পরিবহন” শিল্প সেক্টরে নিযুক্ত সকল শ্রেণির শ্রমিকগণের জন্য নিম্নতম মজুরি হারের খসড়া সুপারিশ, ২০১৯ জনসাধারণের/সংশ্লিষ্ট সকলের অবগতির জন্য অত্র বিজ্ঞপ্তি মারফত জানানো যাইতেছে।

অত্র বিজ্ঞপ্তিতে প্রকাশিত “ব্যক্তিমালিকানাধীন সড়ক পরিবহন” শিল্প সেক্টরে নিযুক্ত সকল শ্রেণির শ্রমিকগণের নিম্নতম মজুরি হারের খসড়া সুপারিশের উপর যদি কাহারও কোনো আপত্তি বা সুপারিশ থাকে তাহা হইলে এই গেজেট বিজ্ঞপ্তি প্রকাশের ১৪ (চৌদ্দ) দিনের মধ্যে উক্ত আপত্তি বা সুপারিশ উপাত্তসহ লিখিতভাবে চেয়ারম্যান, নিম্নতম মজুরী বোর্ড, ২২/১ তোপখানা রোড, বাশিকপ ভবন (৬ষ্ঠ তলা), সেগুনবাগিচা, ঢাকা-১০০০ বরাবর পাঠাইতে হইবে। উক্ত সময়সীমার মধ্যে প্রদত্ত আপত্তি বা সুপারিশ বিবেচনার পর বোর্ড সরকারের নিকট সুপারিশ পেশ করিবেন।

সৈয়দ আমিনুল ইসলাম
চেয়ারম্যান (সিনিয়র জেলা জজ)
নিম্নতম মজুরী বোর্ড, ঢাকা।

(২৫৭২৩)

মূল্য : টাকা ১২.০০

“ব্যক্তিমালিকানাধীন সড়ক পরিবহন” শিল্প

খসড়া সুপারিশ-২০১৯

গণপ্রজাতন্ত্রী বাংলাদেশ সরকারের শ্রম ও কর্মসংস্থান মন্ত্রণালয় এর স্মারক নম্বর ৪০.০০.০০০০.০১৬. ৩২.০৭২.১৭.৮৫ তারিখ: ০৭-০৮-২০১৯ খ্রিস্টাব্দ মূলে আইন ও বিধি মোতাবেক “ব্যক্তিমালিকানাধীন সড়ক পরিবহন” শিল্প সেक्टरে নিম্নতম মজুরি নির্ধারণের কার্যক্রম গ্রহণের জন্য নিম্নতম মজুরী বোর্ডের চেয়ারম্যানকে অনুরোধ জানানো হয় এবং ১১-০৭-২০১৯ তারিখে বাংলাদেশ গেজেটের অতিরিক্ত সংখ্যায় প্রকাশিত প্রজ্ঞাপন মূলে (এস. আর. ও নম্বর ২৪৪-আইন/২০১৯ তারিখ : ০৮-০৭-২০১৯) নিম্নতম মজুরী বোর্ডে “ব্যক্তিমালিকানাধীন সড়ক পরিবহন” শিল্প সেक्टरের প্রতিনিধিত্ব করিবার জন্য মালিকগণের প্রতিনিধিত্বকারী সদস্য ও শ্রমিকগণের প্রতিনিধিত্বকারী সদস্য নিয়োগ করা হয়।

অতঃপর নিম্নতম মজুরী বোর্ড “ব্যক্তিমালিকানাধীন সড়ক পরিবহন” শিল্প সেक्टरে নিযুক্ত সকল শ্রেণির শ্রমিকগণের জন্য নিম্নতম মজুরী হারের সুপারিশ প্রণয়নের উদ্দেশ্যে নিম্নতম মজুরি বোর্ডের একাধিক সভা অনুষ্ঠিত হয়। বোর্ডের সভায় সংশ্লিষ্ট শিল্পের মালিকগণের প্রতিনিধিত্বকারী সদস্য ও সংশ্লিষ্ট শিল্পে নিযুক্ত শ্রমিকগণের প্রতিনিধিত্বকারী সদস্য কর্তৃক দাখিলকৃত মজুরি প্রস্তাবসহ শ্রমিকগণের জীবনযাপন ব্যয়, জীবনযাপনের মান, উৎপাদন খরচ, উৎপাদনশীলতা, উৎপাদিত দ্রব্যের মূল্য, মুদ্রাস্ফীতি, কাজের ধরন, ঝুঁকি ও মান, ব্যবসায়িক সামর্থ্য, দেশের এবং সংশ্লিষ্ট এলাকার আর্থ-সামাজিক অবস্থা এবং অন্যান্য প্রাসঙ্গিক বিষয় পর্যালোচনা করা হয়। সার্বিক অবস্থা বিবেচনাপূর্বক বাংলাদেশ শ্রম আইন, ২০০৬ এর ধারা ১৩৯ মোতাবেক “ব্যক্তিমালিকানাধীন সড়ক পরিবহন” শিল্প সেक्टरে নিযুক্ত সকল শ্রেণির শ্রমিকগণের জন্য নিম্নতম মজুরি হার নির্ধারণের বিষয়ে নিম্নতম মজুরী বোর্ড সর্বসম্মতিক্রমে গণপ্রজাতন্ত্রী বাংলাদেশ সরকারের নিকট নিম্নলিখিতভাবে খসড়া সুপারিশ পেশ করিল :

- ১। এই সুপারিশে উল্লিখিত নিম্নতম মজুরি হার বাংলাদেশে অবস্থিত সকল এলাকার “ব্যক্তিমালিকানাধীন সড়ক পরিবহন” শিল্প সেक्टरের জন্য প্রযোজ্য হইবে।
- ২। এই সুপারিশে উল্লিখিত পদের অতিরিক্ত কোনো পদ সংশ্লিষ্ট শিল্পে পূর্ব হইতে বিদ্যমান অথবা পরবর্তীতে সংযোজিত হইলে উহা যথাযথ শ্রেণিতে/গ্রেডে অন্তর্ভুক্ত করা যাইবে।
- ৩। উক্ত শিল্প সেक्टरের তফসিলে উল্লিখিত শ্রমিক বর্তমানে যে গ্রেডে কর্মরত আছেন সেই গ্রেডেই তাকে স্থলাভিষিক্ত করিয়া এই মজুরি কাঠামোর সহিত সমন্বয়পূর্বক তাহার মজুরি নির্ধারণ করিতে হইবে। কোনো শ্রমিককে নিম্ন গ্রেডভুক্ত করা যাইবে না।

- ৪। এই সুপারিশের প্রেক্ষিতে সরকার কর্তৃক প্রজ্ঞাপন জারির পর হইতে উক্ত শিল্প সেক্টরের মালিকগণ তফসিলে উল্লিখিত পদবিন্যাস অনুযায়ী শ্রমিককে যথাযথ পদে সন্নিবেশিত করিয়া মজুরি রেজিস্টারভুক্তকরত মজুরি স্লিপ প্রদান করিবেন।
- ৫। তফসিল “ক” ও “খ” এ উল্লিখিত মজুরি মাসিক নিম্নতম মজুরি হিসাবে গণ্য হইবে এবং উক্ত নিম্নতম মজুরি অপেক্ষা কম মজুরি প্রদান করা যাইবে না, এছাড়া উক্ত নিম্নতম মজুরি অপেক্ষা অধিকহারে মজুরি প্রদত্ত হইয়া থাকিলে তাহা হ্রাস করা যাইবে না।
- ৬। নিয়োগকর্তা বা মালিকপক্ষ ইচ্ছা করিলে স্ব-উদ্যোগে বা এককভাবে বা যৌথ উদ্যোগে সম্পাদিত চুক্তি অনুযায়ী কোনো শ্রমিক অথবা শ্রমিকগণকে অধিকহারে মজুরি প্রদান করিতে পারিবেন।
- ৭। উক্ত শিল্প সেক্টরে কোনো শ্রমিক ঠিকাদারের মাধ্যমে নিয়োজিত হইয়া মজুরি প্রাপ্ত হইয়া থাকিলে উক্ত শ্রমিকও বাংলাদেশ শ্রম আইন, ২০০৬ ধারা ২ (৬৫) অনুযায়ী “শ্রমিক” বলিয়া গণ্য হইবেন। উক্ত শিল্প সেক্টরে কোনো শ্রমিকের ঠিকাদারের নিকট প্রাপ্য পাওনাদির ক্ষেত্রে সমস্যা সৃষ্টি হইলে তাহার দায়-দায়িত্ব মালিকপক্ষের উপর বর্তাইবে। ঠিকাদার নিম্নতম মজুরী বোর্ডের সুপারিশের আলোকে সরকার কর্তৃক শ্রমিকের জন্য ঘোষিত নিম্নতম মজুরি অপেক্ষা কোনোক্রমেই কম মজুরি প্রদান করিতে পারিবেন না।
- ৮। শর্ত (৭) এ উল্লিখিত নিয়োগকারী ঠিকাদার বাংলাদেশ শ্রম আইন, ২০০৬ এর ধারা ১২১, ধারা ১৫০ এবং ধারা ১৬১ এর বিধান মোতাবেক মালিকের ন্যায় একইরূপ ব্যবস্থা গ্রহণ করিবেন।
- ৯। উক্ত শিল্প সেক্টরের মালিক যদি শ্রমিককে ফুরন ভিত্তিক (Piece rate) মজুরি প্রদান করিয়া থাকেন, তবে তফসিলে উল্লিখিত হারে ও উপরি-উক্ত শর্তাধীনে মজুরির হার এইরূপ হারে সংশোধন করিতে হইবে যাহাতে তাহারা বিভিন্নভুক্ত শ্রমিকের জন্য নির্ধারিত নিম্নতম মজুরি অপেক্ষা কম মজুরি প্রাপ্ত না হন।
- ১০। তফসিলে উল্লিখিত নিম্নতম মজুরি ও বিভিন্ন ভাতাদি ছাড়াও শ্রমিক কর্মরত প্রতিষ্ঠানে অন্যান্য যে সকল অধিকার, সুযোগ-সুবিধা ও ভাতা পাইয়া থাকেন তাহা বাংলাদেশ শ্রম আইন, ২০০৬ এর সংশ্লিষ্ট ধারার বিধান মোতাবেক বলবৎ ও অব্যাহত থাকিবে।
- ১১। এই সুপারিশে উল্লিখিত নিম্নতম মজুরি সমন্বয় করিয়া ১(এক) বৎসর কর্মরত থাকার পর শ্রমিকগণের মূল মজুরির ৫% হারে বাৎসরিক ভিত্তিতে মজুরি বৃদ্ধি পাইবে। পরবর্তী বৎসরে ক্রমবর্ধমান হারে পুনরায় মূল মজুরির ৫% হারে বৃদ্ধি পাইবে।

- ১২। উক্ত শিল্প সেক্টরে নিযুক্ত শ্রমিক বাংলাদেশ শ্রম আইন, ২০০৬ এবং বাংলাদেশ শ্রম বিধিমালা, ২০১৫ এর সংশ্লিষ্ট ধারা ও বিধি অনুযায়ী ভাতাদি এবং অন্যান্য সুবিধাদি প্রাপ্য হইবেন।
- ১৩। এই সুপারিশের কোনো অংশ প্রচলিত বাংলাদেশ শ্রম আইন, ২০০৬ এবং বাংলাদেশ শ্রম বিধিমালা, ২০১৫ এর সহিত সাংঘর্ষিক হইলে সেই অংশটুকু বাতিল বলিয়া গণ্য হইবে।

সৈয়দ আমিনুল ইসলাম
চেয়ারম্যান (সিনিয়র জেলা জজ)
নিম্নতম মজুরী বোর্ড, ঢাকা।

অধ্যাপক ড. মোঃ কামাল উদ্দীন
নিরপেক্ষ সদস্য

কাজী সাইফুদ্দীন আহমদ
মালিকগণের
প্রতিনিধিত্বকারী সদস্য

ফজলুল হক মনু
শ্রমিকগণের প্রতিনিধিত্বকারী
সদস্য

আলহাজ্ব মোঃ আবুল কালাম
সংশ্লিষ্ট শিল্পের মালিকগণের
প্রতিনিধিত্বকারী সদস্য

মোঃ ইনসুর আলী
সংশ্লিষ্ট শিল্পে নিযুক্ত শ্রমিকগণের
প্রতিনিধিত্বকারী সদস্য

তফসিল “ক”

শ্রমিকগণের জন্য নিম্নতম মজুরি হার

শ্রমিক পদবিন্যাস ও শ্রেণি বিভাগ	এলাকা	মাসিক মূল মজুরি (টাকা)	বাড়ী ভাড়া ভাতা (টাকা) (বিভাগীয় শহরে মূল মজুরির ৫০% ও অন্যান্য এলাকার মূল মজুরির ৪০%)	চিকিৎসা ভাতা (টাকা)	যাতায়ত ভাতা (টাকা)	সর্বমোট মজুরি (টাকা)	
উচ্চতর দক্ষ:	১। ড্রাইভার (হেভি উইথ পিএমডি লাইসেন্সপ্রাপ্ত)	বিভাগীয় শহর ও সিটি কর্পোরেশন এলাকা	১২৮০০/-	৬৪০০/-	৭০০/-	৩০০/-	২০২০০/-
		অন্যান্য এলাকা	১২৮০০/-	৫১২০/-	৭০০/-	৩০০/-	১৮৯২০/-
	২। ড্রাইভার (হেভি লাইসেন্সপ্রাপ্ত)	বিভাগীয় শহর ও সিটি কর্পোরেশন এলাকা	১১২০০/-	৫৬০০/-	৭০০/-	৩০০/-	১৭৮০০/-
		অন্যান্য এলাকা	১১২০০/-	৪৪৮০/-	৭০০/-	৩০০/-	১৬৬৮০/-
দক্ষ-১:	১। ড্রাইভার (মিডিয়াম লাইসেন্সপ্রাপ্ত)	বিভাগীয় শহর ও সিটি কর্পোরেশন এলাকা	১০৪০০/-	৫২০০/-	৭০০/-	৩০০/-	১৬৬০০/-
		অন্যান্য এলাকা	১০৪০০/-	৪১৬০/-	৭০০/-	৩০০/-	১৫৫৬০/-
	২। ড্রাইভার (লাইট লাইসেন্সপ্রাপ্ত)	বিভাগীয় শহর	৯৬০০/-	৪৮০০/-	৭০০/-	৩০০/-	১৫৪০০/-
		অন্যান্য এলাকা	৯৬০০/-	৩৮৪০/-	৭০০/-	৩০০/-	১৪৪৪০/-
দক্ষ-২:	১। গাইড ২। সুপারভাইজার ৩। কনডাক্টর ৪। চেকার	বিভাগীয় শহর ও সিটি কর্পোরেশন এলাকা	৮০০০/-	৪০০০/-	৭০০/-	৩০০/-	১৩০০০/-
	৫। বুকিং ক্লার্ক ৬। কাশিয়ার	অন্যান্য এলাকা	৮০০০/-	৩২০০/-	৭০০/-	৩০০/-	১২২০০/-

শ্রমিক পদবিন্যাস ও শ্রেণি বিভাগ	এলাকা	মাসিক মূল মজুরি (টাকা)	বাড়ী ভাড়া ভাতা (টাকা) (বিভাগীয় শহরে মূল মজুরির ৫০% ও অন্যান্য এলাকার মূল মজুরির ৪০%)	চিকিৎসা ভাতা (টাকা)	যাতায়ত ভাতা (টাকা)	সর্বমোট মজুরি (টাকা)
অদক্ষ ১। হেলপার ২। ক্লিনার ৩। কলার	বিভাগীয় শহর ও সিটি কর্পোরেশন এলাকা	৬৫০০/-	৩২৫০/-	৭০০/-	৩০০/-	১০৭৫০/-
	অন্যান্য এলাকা	৬৫০০/-	২৬০০/-	৭০০/-	৩০০/-	১০১০০/-

● শিক্ষানবিস :

- (ক) শিক্ষানবিসীকাল ৩ (তিন) মাস। তবে শর্ত থাকে যে, একজন শ্রমিকের ক্ষেত্রে শিক্ষানবিসীকাল আরও ৩ (তিন) মাস বৃদ্ধি করা যাইবে যদি কোনো কারণে প্রথম ৩ (তিন) মাস শিক্ষানবিসীকালে তাহার কাজের মান নির্ণয় করা সম্ভব না হয়।
- (খ) শিক্ষানবিসীকালে শিক্ষানবিস শ্রমিক মাসিক সর্বসাকুল্যে= ৭৫০০ (সাত হাজার পাঁচশত) টাকা প্রাপ্ত হইবেন।
- (গ) শিক্ষানবিসীকাল সন্তোষজনকভাবে সমাপ্ত হইবার পর শিক্ষানবিস শ্রমিক সংশ্লিষ্ট গ্রেডের স্থায়ী শ্রমিক হিসাবে নিযুক্ত হইবেন।

তফসিল “খ”

কর্মচারীগণের জন্য নিম্নতম মজুরি হার

শ্রমিক পদবিন্যাস ও শ্রেণি বিভাগ	এলাকা	মাসিক মূল মজুরি (টাকা)	বাড়ী ভাড়া ভাতা (টাকা) (বিভাগীয় শহরে মূল মজুরির ৫০% ও অন্যান্য এলাকার মূল মজুরির ৪০%)	চিকিৎসা ভাতা (টাকা)	যাতায়ত ভাতা (টাকা)	সর্বমোট মজুরি (টাকা)
শ্রেণি-১: ১। হিসাবরক্ষক ২। স্টোর কিপার	বিভাগীয় শহর ও সিটি কর্পোরেশন এলাকা	৯৬০০/-	৪৮০০/-	৭০০/-	৩০০/-	১৫৪০০/-
	অন্যান্য এলাকা	৯৬০০/-	৩৮৪০/-	৭০০/-	৩০০/-	১৪৪৪০/-
শ্রেণি-২: ১। সহকারী হিসাবরক্ষক ২। স্টোর এসিসট্যান্ট ৩। টেলিফোন অপারেটর ৪। টাইম কিপার ৫। কম্পিউটার অপারেটর ৬। টাইপিস্ট ৭। ক্লার্ক	বিভাগীয় শহর ও সিটি কর্পোরেশন এলাকা	৬৫০০/-	৩২৫০/-	৭০০/-	৩০০/-	১০৭৫০/-
	অন্যান্য এলাকা	৬৫০০/-	২৬০০/-	৭০০/-	৩০০/-	১০১০০/-
শ্রেণি-৩: ১। পিয়ন ২। দারওয়ান ৩। নাইট গার্ড ৪। সুইপার	বিভাগীয় শহর ও সিটি কর্পোরেশন এলাকা	৫০০০/-	২৫০০/-	৭০০/-	৩০০/-	৮৫০০/-
	অন্যান্য এলাকা	৫০০০/-	২০০০/-	৭০০/-	৩০০/-	৮০০০/-

● শিক্ষানবিস :

- (ক) শিক্ষানবিসীকালে শিক্ষানবিস শ্রমিক মাসিক সর্বসাকুল্যে = ৭৫০০ (সাত হাজার পাঁচশত) টাকা প্রাপ্ত হইবেন।
- (খ) শিক্ষানবিসীকাল ৬(ছয়)।
- (গ) শিক্ষানবিসীকাল সমাপ্ত হইবার পর শিক্ষানবিস শ্রমিক সংশ্লিষ্ট গ্রেডের স্থায়ী শ্রমিক হিসাবে নিযুক্ত হইবেন।

মোঃ তারিকুল ইসলাম খান, উপপরিচালক, বাংলাদেশ সরকারী মুদ্রণালয়, তেজগাঁও, ঢাকা কর্তৃক মুদ্রিত।

মোঃ আব্দুল মালেক, উপপরিচালক, বাংলাদেশ ফরম ও প্রকাশনা অফিস, তেজগাঁও,

ঢাকা কর্তৃক প্রকাশিত। website: www.bgpress.gov.bd